

Жазушы атындағы байқау дәстүрге айналды

«Дүние-мүлік мұра емес, балаға өкениң өмірде алған жақсы атағы мен істеген үлгілі ісі мұра», – деп жазады Әз-аға. Әз-ағаның артында қалған өз ұрпағы: екі ұлы және екі қызы өкениң өшпес рухани мұрасын дәріптеп, ардагер қаламгердің өмірі мен шығармасын кейінгі жастарға үлгі етіп, түрлі шаралар ұйымдастырып келеді. Енді ұрпақ тәрбиесінде ерекше орны бар, он жылға жалғасқан шығармашылық байқау туралы бірер сөз.



nov.kz/ru/ сайтында жарияланды.

«Өнер – сезім тілі». Қандай да бір өнер туындысы адам сезіміне қозғау салумен бірге, баяндалған оқиғаны басынан кешкендей күйге түсіріп, эстетикалық ләззатқа бөлейді. Сөз өнерін ғана емес, өнердің барлық түріне сүйіспеншілікпен, шығармашылықпен қарайтын Жанар Әзілханқызы әрқашан ізденіс үстінде жүретін адам. 2019 жылы ұйымдастырушыларға сурет өнерін де байқап көру идеясын ұсынды. Осыған орай, Ә.Нұршайықовтың «Махаббат, қызық мол жылдар» романынан таңдап алынған қысқаша үзіндіге иллюстрация ретінде түрлі техникамен орындалған (акварельмен, майлы бояумен, пастельмен) фотосуреттер мен көркем суреттерге байқау жарияланды. Нәтижесінде 2019-2021 жылдары 40-қа жуық жұмыс келіп түсті. Арнайы құрыл-

өмір жолдарында кездесетін есікті айқара ашпаса да, уақытты босқа өткізбеге, ізденуге, өздерінің қолынан іс келетініне сенуге, күресе білуге шақыру, әділеттіктен үміт үзбеу, өмірде жақсы адамдар бар екеніне, өзімен пікірлес өзге жастардың да бар екеніне көздерін жеткізуге көмектеседі.

Байқау арқылы жастарды әдебиетке, өнерге, әдемілікке баулу, тілін құрметтеу, сол арқылы елін құрметтеу сияқты ұлы сезімдерді бойларына сіңіру аталған бастаманың түпкі мақсаты болды. Әзілхан аға өзінің бір сөзінде: «Тәрбие екі түрлі: жұдырық және жүрек тәрбиесі. Жұдырықпен сіңірген тәрбие жүз жылда да жұпайды. Жүрек тәрбиесі жүз жыл балталасаң да бұзылмайды», – деп еді. Әке тәрбиесін бойна өбден сіңірген, үлкенге құрмет, кішіге ізеттіліктен танбайтын, табиғи болмысы қарапайым Жанар Әзілханқызы жыл сайын байқаудың ұйымдастыру жұмысын шынайы сүйіспеншілікпен, үлкен ыждағаттылықпен атқара жүріп, өз мақсатына жетті деп ойлаймыз.

Халық жазушысы Ә.Нұршайықовтың туғанына 100 жыл толды. Жазушы атындағы байқау жарасымды дәстүрге айналды.

Гүлбағиза МҰСАЕВА,

Мұхтар ЕШИМОВ

ЖОО-ға дейінгі білім беру факультеті

Орталық Азиядағы тұңғыш «МедиаТДМ журналистер даярлау және оқыту платформасы» атты жаппай ашық онлайн курсы ресми түрде іске қосылды. Жобаны ҚазҰУ-дағы ЮНЕСКО-ның журналистика және коммуникация кафедрасы Коммуникацияны дамыту халықаралық бағдарламасы және Алматы қаласы ЮНЕСКО Кластерлік бюросының қолдауымен жүзеге асырды. Жоба цифрлық, интерактивті және бұқаралық сипатымен ерекше. Курстар автоматтандырылған, инновациялық, инклюзивті әрі тыңдаушыға жеңіл.

«МедиаТДМ» платформасы іске қосылды

Әл-Фараби атындағы кітапханада Орталық Азия елдерінің жоғары оқу орындары мен Қазақстандағы ЮНЕСКО кафедраларының, ЮНЕСКО Кластерлік бюросының, ҚР ЮНЕСКО және ИСЕКО істері жөніндегі Ұлттық комиссиясы мен СИМ, ҚР Президентінің мұрағаты өкілдері қатысқан кездесуді Әл-Фараби атындағы Қазақ ұлттық университетінің операциялық қызмет жөніндегі проректоры, Басқарма мүшесі Әсел Уәлиева ашып, Қазақ ұлттық университеті халықаралық тәжірибеге сүйене отырып, отандық және шетелдік оқытушылар мен ғалымдардың 80-нен астам курстар жасап, платформаға орналастырғанын атап өтті.

ЮНЕСКО Кластерлік бюросының директоры Магнус Магнуссон кафедраның жаңа бастамаларын жоғары бағалады.

ҚР ІІМ Көпжақты ынтымақтастық департаментінің екінші хатшысы Ардақ Бекенова ЮНЕСКО белсенділігінің үлкен спектрін, еліміздің жетекші жоғары оқу орындарымен әріптестіктің маңызын атап өтті. Осындай тиімді қызметтің мәдени мұра, қоғамдық түсіністіктің қалыптасуы мен ақпараттың ашықтығын сақтаудағы рөліне ерекше тоқталды.

Алматыдағы ЮНЕСКО Кластерлік бюросының коммуникация және ақпарат бөлімінің басшысы



Сергей Карпов еркін қоғамдық институттарды, атап айтқанда: журналистика және әлеуметтік желілерді қолдаудың, оқытудың, тренингтер өткізудің, еліміздің жоғары оқу орындарының үздік оқытушыларының үздік халықаралық тәжірибесі негізінде кадрлардың білігін арттырудың маңыздылығын айтып өтті.

Шараға Огайо университеті (АҚШ) Журналистика мектебінің профессоры, Халықаралық журналистика институтының директоры Джатин Сривастава қатысып, журналистік білім берудің жаңа формалары мен құралдары туралы тәжірибесімен бөлісті.

Орталық Азияның 19 университетіне арналған цифрлық, интерактивті әрі инновациялық онлайн курстарды www.open.kaznu.kz платформасында әлемнің кез келген жерінен кез келген адам оқи алады. Платформаға сегіз тілге аударылған мультимедиялық электронды оқу құ-

ралы да орналастырылды. «Журналистік қауіпсіздік», «Дау-жанжалға сезімтал журналистика», «БАҚ-та климаттың өзгеруі және тұрақты даму», «Әйелдер мен қыздарға қатысты зорлық-зомбылық мәселелерін көрсету» деген жаппай ашық онлайн курстарын университеттің Академиялық және цифрлық инновациялар кеңсесі техникалық тұрғыдан қолдады.

Жаппай ашық онлайн курстары ЮНЕСКО мен Халықаралық журналистер федерациясының оқу құралдарына негізделген. Осылайша Орталық Азия және Кавказ аймақтарында коммуникацияны дамыту халықаралық бағдарламасының идеяларын дамыту ауқымды жаңа деңгейге көтерілді.

Назгүл ШЫҒЫСОВА,
ЮНЕСКО-ның журналистика және коммуникация кафедрасының меңгерушісі

Ұлт ұстазына арналған онкүндік өтті

Жоғары оқу орнына дейінгі білім беру кафедрасында шетелдегі қазақ диаспорасы өкілдері мен Ауғанстан Ислам Республикасынан келген шәкірттерге еліміздің мемлекеттік тілін, мәдениеті мен тарихын, ұлттық салт-дәстүрлерімізді тереңірек сіңіру – оқу үдерісіндегі негізгі мақсатымыз. Осыған орай, жуырда «Шамшырақ» клубының ұйымдастыруымен ұлт ұстазы Ахмет Байтұрсынұлының 150 жылдығына арналған онкүндік өтті.



Онкүндік аясында А.Байтұрсынұлының өмірі мен шығармалары, қоғамдық қызметі туралы жан-жақты терең мағлұмат берілді. Білімгерлер Ахаң туралы түсірілген деректі және көркем фильмдерді көріп, мұражай-үйіне барды. Жастар ұлт ұстазының шығармаларын оқып, өлеңдерін жаттады. Алған білім мен ақпараттар негізінде эссе, мақала, әңгіме мен өлең жазуға, сурет салуға шығармашылық байқау жарияланды.

Байқауға кафедрадағы барлық топтар атсалысып, 50-ден аса жұмыс түсті. Таяуда шараның қорытынды жиыны өтті. Оған А.Байтұрсынұлы мұражай-үйінің ғылыми қызметкері Ақерке Ибрагимова қатысып, білім алушы жастарға мазмұнды дәріс оқыды. Шығармашылық байқау-

дың жеңімпаздарын марапаттау рәсіміне қатысты. Жоғары оқу орнына дейінгі білім беру факультеті деканының орынбасары Қанат Келдебеков жиынды ашып, Ахмет атамның қайраткерлік, азаматтық тұлғасын дәріптеуде оза шапқан жеңімпаздарды құттықтады.

Эссе байқауы бойынша Моңғолиядан келген шәкірттер арасынан 1-орынды Саяхат Дәуітханұлы жеңіп алды. 2-орынды Дамыс Космановт, Арайлым Серікбол иеленсе, 3-орынға Амантай Көгершін, Бейбіт Әбдіжәміл, Еламан Бақытбек ие болды.

Мұндай игі істер алдағы жылы да жалғасады.

Жанна ӘДІЛХАНОВА,
ЖОО-ға дейінгі дайындық кафедрасының аға оқытушысы